

## Намознинг аввалги вақти Аллоҳнинг розилигидир | Ҳадис дарслари (281-дарс)

**Ҳадис**  
ДАРСЛАРИ

**281-ДАРС**

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 08 май 1387

نَا هُنَّ عُلَّالِا يَضْرِبْنَ عُنُوقَهُنَّ  
عَلَى عُلَّالِا يَصْنَعْنَ لَهَا  
يَلْعَ أَيُّهُنَّ لَأَقَمَّ لَسَو  
إِذَا صَلَّيْنَا: أَهْرَجَتْ أَلْثَالِثُ  
تَرَضَّحَ إِذَا عَزَّانَجُ لَأَوُتَتْ أُو  
أَوْفُكُ أَهْلُ تَدَجَّو إِذَا مَّيَّ أَلْأَوُ

Али розияллоху анҳудан ривоят қилинади:

«Набий соллаллоху алайҳи васаллам у кишига:

**«Эй Али, уч нарсани ортга сурмагин. Намозни вақти кирганда, жаноза ҳозир бўлганда ва эрсиз аёл тенгини топганда», дедилар».**

**Шарҳ:** Пайғамбаримиз соллаллоҳу алайҳи васалламнинг ҳазрати Али розияллоҳу анҳуга қилган бу насиҳатларида уч нарсани вақти келиши билан дарҳол бажариш афзал эканлиги баён этилмоқда.

### **1. «Намозни вақти кирганда».**

Намозни вақти кириши билан ўқиб олиш афзал эканлиги бу фаслдаги ҳадисларнинг кўпчилигида зикр қилинганини кўрдик.

### **2. «Жаноза ҳозир бўлганда».**

Мусулмон вафот этса, уни тезда ювиб-тараб, тупроққа қўйиш зарур. Бу иш ўлган одамнинг ҳурмати бўлади. Аллоҳ хоҳласа, бу масалани ўз ўрнида алоҳида, батафсил ўрганамиз.

### **3. «Эрсиз аёл тенгини топганда».**

Бу ишни ҳам ҳеч орқага суриб бўлмайди. Қанчалик тез бўлса, шунчалик яхши. Бу масала ҳам ўз ўрнида, Аллоҳ хоҳласа, батафсил ўрганилади.

هُنَّ عُهُلٌ لِّلْأَيُّضِ رَمُعٍ نُّبَا نَع  
هُيَلَعُهُلٌ لِّلْأَيُّصِ بُّن لِّلْأَنَع  
نَمُّ لِّوَأَلِ أَتُقُولَا: لَأَقِ مَّ لَسَو  
هُلُّ لِّلْأَنَ أَوْضِرَّةَ لِّصَلَا  
هُلُّ لِّلْأَوْفَعِ رُخَّ أَلِ أَتُقُولَا  
هُي ذِمَّتُ لِّلْأُمَّ هَاوَر

Ибн Умар розияллоҳу анҳудан ривоят қилинади:

**«Набий соллаллоҳу алайҳи васаллам:**

**«Намознинг аввалги вақти Аллоҳнинг розилигидир. Охирги вақти Аллоҳнинг афвидир», дедилар».**

*Икки ҳадисни Термизий ривоят қилган.*

**Шарҳ:** Демак, Аллоҳнинг розилигини топаман, деган одам намозни аввалги вақтида ўқиши керак. Ноилож қолганда охирги вақтида ўқиш афв тариқасидаги рухсатдир.

**«Ҳадис ва ҳаёт» китобининг 4-жузи асосида тайёрланди**